

四庫全書

子部

欽定四庫全書

子部
廣博物志卷四十六

詳校官侍讀學士_臣沈咸熙

主事_臣祁韻士覆勘

總校官知縣_臣楊懋珩

校對官編修_臣潘庭筠

謄錄監生_臣王曾聞

欽定四庫全書

廣博物志卷四十八

明 董斯張 撰

鳥獸五

異鳥

異獸

復州之山有鳥焉其狀如鶚而一足彘尾其名曰跂踵

見則其國大疫

銘曰跂踵為鳥一足似夔不為無與反以來悲

山海經

符禺之山有鳥名鵠其狀如翠而赤喙可以衛火

崕山上有鳥焉其狀如梟而赤身白首名曰竊脂可以

衛火

有鳥焉其狀如雞而三首六目六足三翼其名曰鷩鷩
食之無卧

青丘之山有鳥焉其狀如鳩名曰灌灌佩之不惑

禱過之山有鳥焉其狀如鵠而白首三足人面其名曰
瞿如

柜山有鳥焉其狀如雞而人手其音如痺其名曰鷮其
鳴自號也見則其縣多放士

小華之山鳥多赤鷩

赤鷩山雞之屬。背復洞赤冠金皆黃頭綠尾。中有赤毛光彩鮮明。音

作蔽或作龜

可以禦火

英山有鳥焉其狀如鶉黃身而赤喙其名曰肥遺食之已癘可以殺蟲

有鳥焉其狀如翟而赤名曰𪚩音遇是食魚其音如鐘見則其國大水

萊山其鳥名羅羅是食人

三危之山有鳥焉一首三身其狀如鸛其名曰鵩

發鳩之山有鳥焉其狀如鳥文首白喙赤足名曰精衛

其鳴自詠是炎帝之少女名曰女娃

炎帝神農也女娃姪佳反語誤或作階

女娃遊於東海溺而不返故為精衛常銜西山之木石

以堙於東海

首山有谷曰機谷多獸鳥

音如鉗鉗之鉗

其狀如梟而三目有

耳其音如錄食之已塾

鷺鳥鷓鳥

次瞻兩音

其色青黃所經國亡

此應禍之鳥即今集鷺鷓之類

在

女祭北鷺鳥人面居山上一曰維鳥青鳥黃鳥所集

有五彩之鳥有冠名曰狂鳥

爾雅云狂夢鳥即此也

弇州之山有五彩之鳥仰天

張口
雀天

名曰鳴鳥爰有百樂

歌儻之風

互人之國有青鳥身黃赤足六首名曰鬪鳥

松果之山有鳥焉其名曰螭渠其狀如山雞黑身赤足

可以已膠

謂皮能
起也

翠山其鳥多鷗狀如鵲赤黑兩首四足可以禦火

鹿臺之山有鳥焉其狀如雄雞而人面名曰鳧僕其鳴

自叫也見則有兵

有鳥焉其狀如鳬而一翼一目相得乃飛名曰蠻蠻見則天下大水

鍾山有神其子曰鼓其狀人面而龍身是與欽鵒殺葆

江于崑崙之陽

葆或作祖

帝乃戮之鍾山之東曰嵯崖欽鵒

化為大鶚其狀如鵬而黑文白首赤喙而虎爪其音如晨鵠見則有大兵鼓亦化為鷁鳥狀如鵠赤足而直喙黃文而白首其音如鵠見即其邑大旱

章莪之山有鳥焉其狀如鶴一足赤文青質而白喙名

曰畢方見則其邑有譌火

尚書故實云武帝時有獨足鶴人皆不知以為怪異東方

朔方曰此山海經所謂畢方鳥也驗之果是

有鳥焉其狀如鳥三首六尾而善笑名曰鵲鵲服之使

人不厭又可以禦凶

上申之山其鳥名當扈其狀如雉以其髯飛食之不胸

目

有鳥焉其狀如鴞而人面雉身犬尾其鳴自號也見則

其邑大旱

有鳥焉其狀如鳥五采而赤文名曰鵯鵯是自為牝牡
食之不殖

號山其鳥多寓狀如鼠而鳥翼其音如羊可以禦兵

有鳥焉羣居而朋飛其毛如雌雉名曰鵯其鳴自呼食
之已風

有鳥焉其狀如雉而文首白翼黃足名曰白鵯食之已

嗌痛可以已痢

痢瘕
病也

有鳥焉其狀如雌雉而人面見人則躍名曰竦斯

有鳥焉其狀如鳥人面名曰驚鵒宵飛而晝伏食之已
暵

有鳥焉其狀如鵲白身赤尾六足其名曰鵲是善驚其
鳴自談

有鳥焉其狀如鳥首白而身青足黃是名曰鷦鷯其鳴
自談食之不饑

景山有鳥焉其狀如蛇而四翼六目三足名曰酸與其

鳴自設見則其邑有恐

小侯之山有鳥焉其狀如鳥而白文名曰鵠鵠

軒轅之山有鳥焉其狀如梟而白首其名曰黃鳥其鳴
自設食之不妬

有鳥焉其狀如雞而鼠毛其名蜚鼠見則其邑大旱

有鳥焉其狀如鳬而鼠尾善登木其名曰絜鉤見則其
國多疫

鹿山有鳥焉狀如山雞而長尾赤如丹火而青喙名曰

鵠鷄服之不昧

支离之山有鳥焉其名曰嬰勺其狀如鵠赤首赤目赤喙白身其尾若勺其鳴自呼

董理之山有鳥焉其狀如鵠青身白喙白目白尾名曰青耕可以禦疫其鳴自叫

王母之山有三青鳥赤首黑目一名曰大鷲一名少鷲一名曰青鳥

有五色之鳥人面有髮爰有青鷲

音文

黃鷲

音教

青鳥黃鳥

其所集者其國亡

丑陽之山有鳥焉其狀如鳥而赤足名曰馭餘

音如枳柑之枳

可以禦火

獡次之山有鳥焉其狀如梟人面而一足名曰橐蜚冬

見夏蟄服之不畏雷

盧其之山其中有鶯鵲狀如鴛鴦而人足見則其國多

土功

有鳥焉名曰鵩其狀如鳬青身而赤目赤尾食之宜子

梁渠之山有鳥焉其狀如夸父四翼一目犬尾名曰囀

其音如鵲食之已腹痛可以止衄

治洞下也

天帝之山有鳥焉其狀如鷄黑文而赤翁名曰櫟食之已痔

有鳥焉其狀如鴟而人足名曰數斯食之已癭

有鳥焉其狀如雌雉而五彩以文是自為牝牡名曰象蛇

有鳥焉其狀如雞而白首鼠足而虎爪其名曰𪔐雀食

人

有鳥焉其狀如蜂大如鴛鴦名曰欽原蠱鳥獸則死蠱木則枯

有鳥焉其名曰鷦鷯是司帝之百服

並上

西申以鳳鳥氏羗以鸞鳥巴人以比翼鳥方煬以皇鳥蜀人以文翰文翰者若皐雞方人以孔鳥奇幹善芳善芳者頭若雄雞佩之令人不昧

蠻陽之翟

山雞也

倉吾翡翠

周書

神鳥者赤神之精也知音聲清濁和調者也雖赤色而

備五采難身鳴中五音肅肅雖喜則鳴舞樂幽隱風

俗從則至

宋書

同心鳥王者德及遐方四夷合同則至

比翼鳥王者德及高遠則至

並工又拾遺記曰比翼鳥多力狀如鵲銜南海之

丹泥巢崑崙之玄木遇聖則來集以表周公輔聖之祥異也

鳥有鵬鵬者重首而屈尾將欲飲於河則必顛乃銜其

羽而飲之人之所有飲不足者不可不察其羽也

韓非子

昌蜀之禽無目之獸無身之頭無首之體精衛填海玄

讓遞生

抱朴子

石脩九首畢方人面

千歲之鳥萬歲之禽皆人面而鳥身壽亦如其名

並上

鷦鷯俗曰癡鳥見爾雅

鳥一足名獨立見則主勇強

河圖

雪山有鳥名為共命一身一頭識神各異同共報命故

曰共命

雜寶藏經

迦真隣陀之鳥生於海中王抱觸之身心猗適勝過六
欲

若起貪嫉邪佞諂曲欺誑於他或復慳貪積財不施皆
生鬼道從鬼命終多生畜生道中受遮吒迦鳥身恒常
饑渴受大苦惱唯飲天雨仰口而承不得更飲餘水

兜兜鳥其聲自號正月以後作聲至五月節不知所在
其形似鴈鵠

江之右岸富水注之水出涇陽縣之青湓山西北流涇

陽縣故豫章之屬矣地多女鳥玄中記曰新陽男子於水次得之遂與共居生二女悉衣羽而去豫章間養兒不露其衣言是鳥落塵於兒衣中則令兒病故亦謂之

飛夜遊女

水經注

越地深山中有鳥大如鳩青色名曰冶鳥穿大樹作巢如五六升器戶口徑數寸周飾以土垠赤白相分狀如射侯伐木者見此樹即避之去或夜冥不見鳥鳥亦知人不見便鳴喚曰咄咄上去明日便急上去咄咄下去

明日便宜急下若不使去但言笑而已者人可止伐也
若有穢惡及其所止者則有虎通夕來守人不去便傷
害人此鳥白日見其形是鳥也夜聽其鳴亦鳥也時有
觀樂者便作人形長三尺至澗中取石蟹就人火炙之
人不可犯也越人謂此鳥是越祝之祖也

法苑珠林

師曠云南山有鳥名曰羌鷺黃額赤目五色皆備

說文

春山爰有青鵠執犬羊食豕鹿

穆天子傳

崑崙銅柱下有迴屋焉壁方丈上有鳥名曰希左翼覆

東王公右翼覆西王母其肉若醯僊人甘之

十洲記

北海有大鳥其高千里頭文曰天維又曰雞左翼文曰

鷖右翼文曰勤左足在海北崖右足在海南崖其毛蒼

其喙赤其脚黑名曰天雞一名鷖勒頭河東身止海北

唯捕鯨魚死則北海水流不犯觸人不干於物或時舉

翼飛其兩羽切如雷風驚動天地

神異經

不孝鳥狀如人身犬毛有齒猪牙額上有文曰不孝口

下有文曰不慈胸上有文曰不道左脇有文曰愛夫右

脇有文曰憐婦_上

骨託之鳥食鐵乾吉之鳥食其子山鳳殺其雌

奇肱有兩頭之鳥互人有六首之觸

幽州之墟羽山之北有善鳴之禽人面鳥喙八翼一足

毛色如雉行不踐地名曰青鸛其聲似鐘磬笙竽也世

語曰青鸛鳴時太平故盛明之世翔鳴數澤音中律呂

飛而不行至禹平水土棲於川岳所集之地必有聖人

出焉自古鑄諸鼎器皆圖像其形銘讚至今不絕

_{拾遺}

記

軒渠國多九色鳥青口綠脰紫翼紅脣紺頂丹足碧身
紺背玄尾亦名九尾鳥亦名錦鳳其青多紅少謂之繡
鸞或云是西王母之禽也

有鳥名鴻鵠色似鴻形如禿鶩腹內無腸羽翮附骨而
生無皮肉也雄雌相眄則生產

有鳥如鳳身紺翼丹名曰藏珠每鳴翔而吐珠累屋仙

人常以其珠飾僊裳

並上

有升渠鴨赤色每止於芙蕖上不食五穀唯呷葉上垂

露因名垂露鴨一名丹毛鳧

洞冥記

有喜日鵞至日出時銜翅而舞名曰舞日鵞

帝昇望月臺時瞑望南端有三青鴨羣飛俄而止於臺

上帝悅之至夕鴨宿於臺端日色已暗帝求海肺之膏

以為燈焉取靈漦布為纏火光甚微而光色無幽不入

青鴨化為三小童皆著青織文縐各握鯨文大錢五枚

置帝几前身止影動因名輕影錢

並上

胥徒國獻沉明石雞色如丹大如燕常在地中應時而
鳴聲能徹遠其國聞鳴乃殺牲以祀之當鳴處掘地則
得此雞若天下太平翔飛頡頏以為嘉瑞亦為寶雞其
國無雞犬聽也中候畧刻道家云昔僊人桐君採石入
穴數里得丹石雞舂碎為藥服之者令人有聲氣後天
而死昔漢武帝寶鼎元年西方貢珍怪有琥珀燕置之
靜室自於室中鳴翔蓋此類也

拾遺記

南有鳥名鴛鴦形似雁徘徊雲間棲息高岫足不踐地

生於石穴中萬歲一交則生雛千歲銜毛學飛聖君之
世來入國郊上

有遠飛雞夕則還依人曉則絕飛四海朝往夕還常銜
桂枝之實歸於南山或落地而生高七八尺衆仙竒愛
之取以釀酒名曰桂醪嘗一滴舉體如金色陸通嘗餌
黃桂之酒祝雞公善養雞得遠飛雞之卵伏之名曰翻
明雞如鵠大色紫有翼翼下有目亦曰目羽雞
吐綬鳥其身大如鸛五色出巴東山中毛色可愛若天

述異記

晴淑景即吐綬長一尺須臾還吞之陰滯即不吐

吐綬鳥一名功曹

並上

吳越有異鳥極大四目三足飛鳴山林羅平乃其聲也

占曰國主有兵人相食

史蟬

有鳥名鵙鵙能自為牝牡

唐韻注

鴉舅似鴉而小黑色嘴邊有毛甚勁能逐鴉鴉見避之

一名鴉競一種似鷹而小蒼色能逐鷹名鷹舅亦名鷹

競

奇嵐鳥出河西赤塢鎮狀如鳥而大飛翔於陣上多不

利雞

鷓鴣鳥似雉青身白首

婆利國有鳥名舍利解人語

世樂鳥五色頭上有冠丹喙赤足有道則見

臨海異物志

越王鳥狀似鳶不飲江湖不啞百草不下餌蟲魚唯噉

木葉冀似薰陸香山人遇之既以為香又治雜瘡

竺山真登

疏羅山

獨春鳴聲似春鳴聲多者五穀薄鳴聲少者五穀熟

海臨

志
異物

廬陵有木客鳥大如鵲千百為羣不與衆鳥相廁俗云

是古之木客化

記
述異

虎鷹能飛捕虎豹身大如牛翼廣二丈

南海去會稽三千里有狗國國中有飛涎鳥似鼠兩翼如鳥而脚赤每至曉諸栖禽未散之前各占一樹口中有涎如膠繞樹飛涎沾洒衆枝葉有他禽之至而如網

也然乃食之如竟午不獲即空中逐而涎惹之無不中
焉人若捕得作脯治渴其涎每布後半日即乾自落落即
布之

外荒
記

烏鳳如喜鵲鳴聲清越如笙簫能變曲妙合宮商又能
為百蟲之音

堯在位七十年有鸞雛歲歲來集麒麟遊於藪澤梟鴟
逃於絕漠有祗支之國獻重明之鳥一名雙睛言雙睛
在目狀如雞鳴似鳳時解落毛羽肉翮而飛能搏逐猛

獸虎狼使妖災羣惡不能為害飴以瓊膏或一歲數來
或數歲不至國人莫不掃洒門戶以望重明之集其未
至之時國人或刻木或鑄金為此鳥之狀置於門戶之
間則魍魎之類自然退伏今人每歲元日或刻木鑄金
或畫雞牖上此之遺像也

拾遺記

周成王元年貝多國人獻舞雀周公命返之

述異記

晉平公出朝其鳥環平公不去平公顧謂師曠曰是鳳
耶曠對曰東方有鳥名為端琦憎鳥而愛狐今吾君必

衣狐裘以朝乎平公曰然

說苑

有鳥飛從南方來質白五色皆備集平公之庭相見如
讓公召叔向問之叔向曰吾聞師曠曰西方有白質鳥
五色皆備其名曰翬南方赤質五色備其名曰搖來為
我君臣其祥先至矣

瑣語

齊景公謂晏子曰寡人既得寶乘聚萬馬矣方欲珠懸
黎會金玉其得之即奚若晏子曰臣聞琬琰之外有鳥
焉曰金翅民謂為羽豪其為鳥也非龍肺不食非鳳血

不飲其食也常饑而不飽其飲也常渴而不充生未幾

何天其天年而死珠玉之珍非乃為君之患也

符子

子路顏回浴於洙水見五色鳥顏回問子路曰榮榮之

鳥後日顏回與子路又浴於泗水更見前鳥復問曰識

此鳥否子路曰識回曰何鳥子路曰同同之鳥顏回曰

何一鳥而二名子路曰譬如絲絹煮之則為帛染之則

為皂不亦宜乎

小記

大月氏國貢雙頭雞四足一尾鳴則俱鳴武帝置於甘

泉故館更以餘雞混之得其種類而不能鳴諫者曰詩
云北雞無晨一云北雞之晨惟家之索今雄雞不鳴非
吉祥也帝乃送還西域至西關雞反顧望漢宮而哀鳴
故謠言曰三七末世雞不鳴犬不吠宮中荆棘亂相繁
當有九虎爭為帝至王莽篡位將軍有九虎之號其後
喪亂彌多宮掖中生蒿棘家無雞鳴犬吠此雞未至月
氏國乃飛於天漢聲似鷓鴣雞翱翔雲裏一名暄雞鷓鴣雞

之音相類

拾遺記

條支國來貢有鳥名鵠鵠形高七尺解人語其國太平則鵠鵠羣翔昔漢武時四夷賓服有獻馴鵠若有喜樂事則鼓翼翔鳴上

齊郡函山有鳥足青嘴赤黃素翼絳頰名王母使者昔漢武登此山得玉函長五寸帝下山玉函忽為白鳥飛去世傳山上有王母藥函常令鳥守之

昆明國貢嗽金鳥其國人云燃洲九千里出此鳥形如雀而色黃羽毛柔密常翔翔海上羅者得之以為至祥

帝得此鳥畜於靈禽之園飴以眞珠飲以龜腦鳥常吐
金屑如粟鑄之可以為器此鳥畏霜雪乃起小屋處之
名曰辟寒臺皆用水晶為戶牖使內外通光宮人爭以
鳥吐之金用飾釵珮謂之辟寒金故宮人相嘲曰不服
辟寒金那得帝王心於是媚惑者亂爭此寶金為身飾
及行卧皆懷挾以要寵幸也

拾記

勒畢國貢細鳥以方尺之玉籠盛數百頭形如大蠅狀
似鸚鵡聲聞數里之間如黃鵠音也國人常以此鳥候

時亦名曰候日蟲帝置之於宮內旬日而飛盡帝惜求之不復得明年見細鳥集帷幙或入衣袖因名蟬宮內嬪妃皆悅之有鳥集其衣者輒蒙愛幸至武帝末稍稍自死人猶愛其皮服其皮者多為丈夫所媚

洞冥記

黃龍元年始都武昌時越嶲之南獻背明鳥形如鶴止不向明巢常對北多肉少毛聲音百變聞鐘磬笙竽之聲則奮翅搖頭時人以為吉神是時遷都建業殊方多貢珍奇吳人語訛呼背明為背亡鳥國中以為大妖不

及百年當有喪亂背叛滅亡之事散逸奔逃墟無煙火

果如斯言

拾遺記

葛僊公嘗於西峯石壁上石臼中搗藥因遺一粟許有
飛禽遇而食之遂得不死至今夜靜月白風清之時其
禽猶作丁當杵臼之聲名之曰搗藥鳥有僊人琴高聞
僊公得道自東海跨雙鯉來訪僊公與之酣飲既醉高
卧白雲間酒醒雙鯉化為石矣仙公乃以雙鶴贈之跨
之而還石至今存

永平元年常山郡獻傷魂鳥狀如雞毛色似鳳帝惡其
名棄而不納復愛其毛羽當時博物者云黃帝殺蚩尤
有貍虎誤噬一婦人七日氣不絕黃帝哀之葬以重棺
石槨有鳥翔其塚上其聲自呼為傷魂則此婦人之靈
也後人不得其令終者此鳥來集其國園林之中至漢
哀平之末王莽多殺伐賢良其鳥亟來哀鳴時人疾此
鳥名使常山郡國彈射驅之至晉初干戈始戢四海攸
歸山野間時見此鳥憎其名改傷魂為相弘及封孫皓

為歸命侯相弘之義叶於此矣永平之末死傷多故門
嗟巷哭常山有獻遂放逐之

拾遺記

林邑城外香桂成林時禽異羽翔集間關兼比翼鳥不
比不飛鳥名歸飛鳴聲自呼此戀鄉之思孔悲桑梓之
敬成俗也俞益期與康伯牋嘗對飛鳥戀土增思寄意
謂此鳥其背青其腸赤丹心外露鳴情未達終日歸飛
飛不十千路有萬里何由歸哉

水經注

苻堅時有射師經嵩山望見松上有一雙白鳥似鵲而

大至樹下又見一蛇長五丈許上樹取鳥鳥欲飛蛇張口翕之鳥不去續紛一餐頃射師穀弩射三矢蛇落鳥得去樹百餘步山邊整理毛羽須臾雲起雷發射師懼不得旋踵見向鳥徘徊其上毛落紛紛似如相援如此數陣雲息電滅射師得免鳥亦高飛

劉義慶
幽明錄

永康元年京師得異鳥莫能名趙王倫使人持出周旋城邑市以問人即日宮西有一小兒見之遂自言曰服留鳥持者還白倫倫使更求又見之乃將入宮密籠鳥

并閉小兒於戶中明日往視悉不見

搜神記

大統三年萬春鳥集僊都苑京房易飛候曰非常之鳥

來宿邑中邑有兵周師入鄴之應

隋書以
下異獸

招搖之山有獸焉其狀如禺而白耳

禺似獼猴而大赤
目長尾今江南山

中多有說者不了此物名禺作牛字圖
亦作牛形或作猴皆失之也禺字音過

伏行人走其名

曰狴狴食之善走

山海經

青丘之山有獸焉其狀如狐而九尾其音如嬰兒能食

人食者不蠱

浮玉之山北望具區東望諸毗有獸焉其狀如虎而牛尾其音如吠犬其名曰彘是食人

竹山有獸焉其狀如豚而白毛大如笄而黑端名曰毫彘

踰次之山有獸焉其狀如禺而長臂善投名曰翬

黃山有獸焉其狀如牛而蒼黑大目其名曰犛

音敏

有獸焉其狀如犬而豹文其角如牛

或作羊

其名曰狡其

音如吠犬見則其國大喪

晉太康七年鄧陵扶夷縣檻得一獸狀如豹文有二角無

前兩脚時人
謂之狡疑此

滑水多水馬其狀如馬文臂牛尾其音如呼

潘侯之山有獸焉其狀如斗而四節生毛名曰旄牛

敦頭之山印澤多驛馬牛尾而白身一角其音如呼

釐山有獸焉名曰顧

音蒼顧
之顧

其狀如孺犬而有鱗其毛

如彘鬣

生靈
問也

豐山有獸焉其狀如猿赤目赤喙黃身名曰雍和見則

國有大恐

蔓渠之山有獸焉名曰馬腹其狀如人面虎身其音如
嬰兒是食人

開明獸身大類虎而九首皆人面東嚮立崑崙上

天獸也
銘

曰開明為獸稟資乾精
瞪視崑崙崑崙震百靈

蚺犬

音陶或作
蚺音鈞

如犬青食人從首始

柎陽之山有獸焉其狀如馬而白首其文如虎而赤尾
其鳴如謠其名曰鹿蜀佩之宜子孫

譙水有獸焉其狀如羆而赤豪其音如榴榴其名曰孟

槐可以禦凶

亶爰之山有獸焉其狀如狸而有髦其名曰類自為牝
牡食者不妬

基山有獸焉其狀如羊九尾四耳其目在背其名曰騭
詭佩之不畏

柜山有獸焉其狀如豚有距其音如狗吠其名曰狸力
見則其縣多土功

長右之山有獸焉其狀如禺而四耳其名長右其音如

吟見則郡縣大水

堯光之山有獸焉其狀如人而彘鬣穴居而冬蟄其名曰猾毳其音如斲木見則縣有大繇

洵山有獸焉其狀如羊而無口不可殺也稟氣自然其名曰羆

錢來之山有獸焉其狀如羊而馬尾名曰羝羊其脂可

以已腊

治體
歟

符禺之山其獸名羆其狀如羊而赤鬣

小次之山有獸焉其狀如猿而白首赤足名曰朱厭見則大兵

崇吾之山有獸焉其狀如禺而文臂似虎而善投名曰舉父

南海之外赤水之西流沙之東有獸焉左右有首名曰跂踵有三青獸相并名曰雙雙

三危之山有獸焉其狀如牛白身四角其毫如披蓑其名曰倮倮是食人

中曲之山有獸焉其狀如馬而白身黑尾一角虎牙爪
音如鼓音其名曰駮是食虎豹可以禦兵

翼望之山有獸焉其狀如狸一目而三尾名曰謹其音
如奪百聲是可以禦凶服之已瘳

有獸焉其狀馬身而鳥翼人面蛇尾是好舉人

喜抱人

名

曰孰湖

帶山有獸焉其狀如馬一角名曰騊疏可以辟火

丹薰之山有獸焉其狀如鼠而菟首麋身其音如獐犬

以其尾飛名曰耳鼠食之不臊

臊大腹也見稗禽音采也

又可以禦

百毒

石者之山有獸焉其狀如豹而文題白身名曰孟極是善伏其鳴自呼

邊春之山有獸焉其狀如禺而有鬣牛尾文臂馬蹄見人則呼名曰足訾其鳴自呼

單張之山有獸焉其狀如豹而長尾人首而牛耳一目名曰諸捷善吒行則銜其尾居則蟠其尾

灌題之山有獸焉其狀如牛而白尾其音自訃名曰那父

有獸焉其狀如犬而人面善投見人則笑其名山獬其行如風見則天下大風

北嶽之山有獸焉其狀如牛而四角人目彘耳其名曰諸懷其音如鳴雁是食人

隄山多馬有獸焉其狀如豹而文身名曰猼

北囂之山有獸焉其狀如虎而白身犬首馬尾彘鬣名

曰獨裕

梁渠之山其獸名居暨其狀如羆而赤毛其音如豚

歸山有獸焉其狀如麋羊而四角馬尾而有距其名曰

驪善還

還旋舞也

其鳴自訃

馬成之山有獸焉其狀如白犬而黑頭見人則飛其名

曰天馬

秦戲之山有獸焉其狀如羊一角一目目在耳後其名

曰羆羆其鳴自訃

泰山有獸焉其狀如豚而有珠名曰狇狇

枸狀之山有獸焉其狀如犬六足其名曰從從

豺山有獸焉其狀如夸父而毳毛其音如呼見則天下大水

空桑之山有獸焉其狀如牛而虎文其音如欽其名曰軫軫見則天下大水

雜余之山有獸焉其狀如菟而鳥喙鵠目蛇尾見人則眠名曰執徐見則螽蝗為敗

始逢之山有獸焉其狀如狐而有翼其音如鴻雁其名曰徹徹見則天下大旱

鳬麗之山有獸焉其狀如狐而九尾九首虎爪名曰龔姪其音如嬰兒是食人

礪山有獸焉其狀如馬而羊目四角牛尾其音如犍狗其名曰筱筱見則其國多狡客

尸胡之山有獸焉其狀如麋而魚目名曰娑胡海隅之山有獸焉其狀如牛而馬尾名曰精精

剡山有獸焉其狀如羆而人面黃身而赤尾其名曰合
羆其音如嬰兒見則天下大水

泰山有獸焉其狀如牛而白首一目而蛇尾其名曰蜚
行水則竭行草則死見則天下大疫

甘棗之山有獸焉其狀猼訐而文題

猼訐音
題

其名曰難

難音
那

食之已瘕

金星之山多天嬰其狀如龍骨可已瘕

瘕
瘕也

霍山有獸焉其狀如狸而白尾有鬣名曰𧢲𧢲養之可

以已憂

釐山有獸焉其狀如牛蒼身其音如嬰兒是食人其名
曰犀渠

苦山有獸焉其狀如逐赤若丹火善詈名曰山膏

有獸焉其狀如蜂枝尾而反舌善呼其名曰文文

蛇山有獸焉其狀如狐而白尾長耳名他狼見則國內
有兵

依帖之山有獸焉其狀如犬虎爪有甲其名曰狔善馱

金
八
八
二
卷四十八
罕食者不風

樂馬之山有獸焉其狀如橐赤如丹火其名曰狻見則
其國大疫

倚帝之山有獸焉其狀如鼯鼠白耳白喙名曰狙如見
則其國有大兵

鮮山有獸焉其狀如膜犬赤喙赤目白尾見則邑有火
名曰移郎

歷石之山有獸焉其狀如狸而白首虎爪名曰梁渠見

則國大有兵

几山有獸焉其狀如麋黃身白頭白尾名曰聞麟見則天下大風

即公之山有獸焉其狀如龜而白身赤首名曰蛻是可
以禦火

北海內有素獸焉狀如馬名曰蜚蜚有青獸焉狀如虎
名曰羅羅

林氏國有珍獸大若虎五彩畢具尾長於身名曰騶吾

乘之日行千里

大荒之中有山名曰鑿鑿距日月所出有獸焉左右有
首名曰屏蓬有赤犬名曰天犬其所下者有兵

章莪之山有獸焉其狀如赤豹五尾一角其音如擊石
其名如獍

陰山有獸焉其狀如狸或作豹而白首名曰天狗其音如

榴榴或作猫可以禦凶

欽山有獸焉其狀如豚而有牙其名曰當康其鳴自呌

見則天下大穰

少咸之山有獸焉其狀如牛而赤身人面馬足名曰窶
窶其音如嬰兒是食人

昆吾之山有獸焉其狀如彘而有角其音如號名曰蜃
蜃食之不昧

蔓渠之山有獸焉其名曰馬腹其狀如人面虎身其音
如嬰兒是食人

扶緒之山有獸焉其狀如貉而人目
貉或作
穰古字其名曰麇

音銀或

作康

有獸焉狀如白鹿而四角名曰夫諸見則其邑大水

鹿吳之山注於傍水水有獸焉名曰蠱雕

天帝之山有獸焉狀如狗名曰谿邊席其皮者不蠱

有獸焉狀如鹿而白尾馬足人手而四角名曰櫻如

鉤吾之山有獸焉其目在腋下虎齒人爪其音如嬰兒

名曰抱鵝是食人

陽山有獸焉其狀如牛而赤尾名曰領胡食之已狂

耿山多大蛇有獸焉其狀如狐而魚翼其名曰朱獺見
則其國有恐

有獸焉其狀如狼赤首鼠目其音如豚名曰獨狙是食
人

並上

崑崙西有獸其狀如犬有兩目而不見有兩耳而不聞
有腹而無五臟有腸直而不旋食而經過人有德行而
往抵卑之人有凶惡而往憑依之天使其然名曰渾沌
一名無耳一名無心空居無常咋尾回轉向天而笑

神異

經

狃獸無前足似虎而黑

字林

稷慎大塵穢人前兒前兒若獼猴立行聲似小兒發人

鹿人鹿者若鹿迅走兪人雖馬青丘狐九尾周頭輝羝

輝羝者羊也

周頭亦海米夷

黑齒白鹿白馬白民乘黃乘黃者

似騏背有兩角

漢郊祀書黃注一名乘黃

義渠以茲白茲白者若白

馬鋸牙食虎豹央林以苗耳苗耳者身如虎豹尾長參

其身食虎豹北唐以閭閻似隃冠

山海經隃之山其獸多閭閻即隃也似

驢而岐蹄角如
羊一名山驢

渠搜以鼪犬鼪犬者露犬也能飛食虎

豹樓煩以星施星施者珥旄

旄牛尾也

卜盧以魋牛區陽以

鼈封鼈封者若彘前後有首規規以麟州靡費費其形

人身反踵自笑笑則上唇翕其目食人北方謂之吐噓

反踵一作枝踵

都郭往往

一作生

欺羽往往若黃狗人面能言高

夷噉羊噉羊者羊而四角獨鹿叩叩距虛孤竹距虛不

令支玄貉

不令支東北夷

不屠何青熊

不屠何亦東北夷也

東湖黃熊般

吾白虎屠州黑豹禺氏駒駼犬戎文馬而赤鬣縞身目

若黃金名吉皇

一作吉黃山海經作吉皇

之乘數楚每牛

數楚北戎也

勾

奴狡天狡犬者巨身四足

周書王會

西南荒中出訛獸其狀若菟人面能言常欺人言東而

西言惡而善其肉美食之言不真矣

神異經

西方中獸如虎毫長三尺人面虎足口牙一丈八尺人

或食之獸鬪終不退却唯死而已荒中人張捕之一名

倒壽焉

西北有獸其狀如虎有翼能飛食人知人言語聞人闕

輒食直者聞人忠信輒食其鼻聞人惡逆不善輒殺獸

往饋之名曰窮奇

並上

檣杙一名難訓

東海之魚曰鰈比目而行北方有獸曰婁更食而更視

南方有鳥名曰鷦比翼而飛西方有獸名曰𪚩前足鼠

後足免得甘草必銜以遺蛰蛰距虛

韓詩外傳

瀛州有獸名嗅石其狀如麒麟不食生卉不飲濁水嗅

石則知有金玉吹石則開金沙寶璞粲而可用

拾遺記

有獸名嗽月形似豹飲金泉之液食銀石之髓此獸夜噴白氣其光如月可照數十畝軒轅之世獲焉上

三角獸先王法度修則至

宋書

一角獸天下平一則至

六足獸王者謀及衆庶則至

比肩獸王者德及矜寡則至

銀鹿刑罰得共民不為非則至

天鹿者純靈之獸也五色光耀洞明王者道備則至

角端者日行萬八千里又曉四夷之語明君聖主在位
明達方外幽遠之事則奉書而至

周印者神獸之名也星宿之變化王者德盛則至

澤獸黃帝時巡狩至於東濱澤獸出能言達知萬物之

情以戒於民為時除害賢君明德幽遠則來

即白澤也
又黃帝

內傳云帝巡狩東至海登桓山於海濱得白澤神獸能
達於萬物之情問天下鬼神之事自古精氣為物遊魂
為變者凡有萬一千五百二十種白澤言之帝令
以圖寫之以示天下帝乃作辟邪之文以祀之

餘者幽隱之獸也有明王在位則來為時辟除災害

並上

蜀中西南高山之上有物與猴相類長七尺能作人行
善走逐人名曰狻猊一名馬化或曰獼猴伺道行婦女
有美者輒盜取將去人不得知若有行人經過其旁皆
以長繩相引猶故不免此物能別男女氣臭故取女男
不取也若取得人女則為家室其無子者終身不得還
十年之後形皆類之意亦迷惑不復思歸若有子者輒
抱送還其家產子皆如人形有不養者其母輒死故懼
怕之無敢不養及長與人不異皆以楊為姓故今蜀中

西南多諸楊率皆是假國馬化之子孫也

投神記

阿羊九頭而更食國亂乃出

淮南萬畢術

駟駟野馬也出北海形似鹿蜀

說文

牴牾二獸名秉心甚靈蓋忠直獸也今華表頂上者是

集韻

舍利為獸獸而能謙禮義乃食口無譏僭

鄭氏姻禮
謁文讚

張揖曰飛遽天上神獸也鹿頭而龍身

招賢獻出摩伽陀國性善不干人形如師子若國人見

賢良相訪則出現

獸則有罷犂獬狔麋麕麝戶豹

蜀都賦

昔有懶婦睡機上姑怒之逐走投水化為此獸一枚可

得脂三四斛然之照紡績則暗照歌舞則明

南越志

寒土有獸其名曰貆生角當心俯而磨之憤心而死炎

州有鳥其名曰梟嫗伏其子百日而長羽翼既成食母

而飛蜀侯之迎秦牛牛逾近而身轉危何異貆磨其角

角愈利而身速亡乎白公之據財財愈積而身愈滅何

異泉之養子子愈長而身就害也

劉向
新編

因墀國獻五足獸狀如獅子玉錢千緡其形如環環重
十兩上有天壽永吉之字問其使者五足獸是何變化
對曰東方有解形之民使頭飛於南海左手飛於東山
右手飛於西澤自臍已下兩足孤立至暮頭還肩上兩
手遇疾風飄於海外落玄洲之上化為五足獸則一指
為一足也其人既失兩手使傍人割裏肉以為兩臂宛
然如舊也因墀國在西域之北送使者以鍤為車輪十

年方至晉及還輪皆絕銳莫知其遠近也

拾遺記

俞韓國獻飛骸獸狀如鹿青色以寒青之絲為繩繫之及死帝惜之而不瘞掛於苑門皮毛皆爛朽惟骨色猶青時人咸知其神異更以繩繫其足往視之惟見所繫處存而頭尾及骨皆飛去

洞冥記

修彌國獻駮騾高十尺毛色赤斑皆有日月之象帝以金埏為鑠絆以寶器盛島以飼之

上

吠勒國貢文犀四頭狀如水兕角表有光名明犀置暗

中有光影亦曰影犀織以為簾如錦綺之文

述異記

炎州在南海中上有風生獸似豹青色大如狸網取之積薪數車燒之可燃鍊鎚鍛頭數十下乃死以口向風須臾便活以石上菖蒲塞鼻即真死取其腦和菊花服之可壽五百歲

封徼山中有怒毛獸若不嗔毛短三寸若嗔毛長三尺南康郡有君山高秀重叠有類臺榭名曰女媧宮有獸名格似猩猩之形自知吉凶人無機愛之則可馴狎欲

執害之則去不來

上並

少皞出野遇一獸牛首而人身驚告皇娥娥曰昔余聞

之帝子牛首人身其名師親見之者百福胥臻天將福

汝汝何妄驚乎帝乃釋然

玄池子
說林

師尚父為周司馬將帥伐紂到孟津之上仗鉞把旄號

其衆曰倉兕倉兕者水中之獸也善覆人船因神以化

欲令急渡不急渡倉兕害汝

論衡

弦超入泰山遇一物如獐頭若婦人鬋髻簪珥悉具歸

語智瓊瓊曰此方輝也五百年一見見者壽弦超果二

百餘歲

集微

按孔子未嘗見狴狴至輒能名之太史公與張良異世而目見其形使衆人聞此言則謂神而先知然而孔子名狴狴聞昭人之歌太史公之見張良觀宣室之畫也

論衡

漢黃霸為封溪令部人陳廉携酒并猩猩以獻霸問曰何物人未及應囊中語曰斗酒并僕耳霸以其物有靈

開囊視之猩猩悲啼而去

獨異志

東方識啖鯁之獸實賴神禹之書大荒之籍矣

抱朴子

章帝章和元年安息國遣使獻獅子符拔符拔形似麟

而無角

後漢書

武帝太康六年南陽獻兩足猛獸此毛蟲之孽也識者
為其文曰武形有虧金獸失儀聖主應天斯異何為言


兆亂也

晉書

太康七年四角獸見於河間天戒若曰角兵象也四者

四方之謂當有兵亂起於四方後河間王遂連四方之
兵作為亂階殆其應也

上



廣博物志卷四十八